

መዝሙር ፱

በእንተ ርአሱ ወበእንተ ገፋዒ ወተገፋዒ

ሣ ሣ - ጣ ጣ ሣ

እገኒ ለከ እግዚአብሔር ልብዩ።

ሣ ጣ - ሣ

ወእነግር ኩሎ ስብሐቲክ።

- ሣ - ሣ ሣ

እትፈሣሕ ወእትሐሠይ ብክ።

ሣ ሣ ጣ

ወእዜምር ለስምክ ልዑል።

- ሣ - ሣ - ሣ

ሶበ ገብኡ ጸላእትየ ድኅሬሆሙ።

- ሣ - ሣ - ሣ

ይድወዩ ወይትሀጐሉ እምቅድመ ገጽክ።

- ሣ - ሣ - ሣ - ሣ

እስመ ገበርክ ሊተ ፍትሕየ ወበቀልየ።

- ሣ - ሣ - ሣ ጣ -

ወነበርክ ዲበ መንበርክ መኰንን ጽድቅ።

- ሣ ጣ - ሣ ጣ

ገሠጽኮሙ ለአሕዛብ ወተሀጐሉ ረሲዓን።

- ሣ - ሣ - ሣ ጣ

ወደምሰስክ ስሞሙ ለዓለመ ዓለም።

ጣ ጣ - ሣ ጣ ጣ

ፀርሰ ተገምሩ በኩናት ለዝሉፉ።

ሣ ጣ - ሣ

ወአህጉሪሆሙኒ ነሠትክ።

ሣ - ሣ ሣ

ወትስዕር ዝክሮሙ ኅቡረ።

እግዚአብሔርህ ይነብር ለዓለም።

አስተዳለወ መንበሮ ለኩንኖ።

ወውእቱ ይኳንና ለዓለም በጽድቅ።

ወይኳንኖሙ ለአሕዛብ በርትዕ።

ወኮኖሙ እግዚአብሔር ምስካዮሙ ለነዳያን።

ወረዳኢሆሙ ውእቱ በጊዜ ምንዳቤሆሙ።

ወይትዌከሉ ብከ ኩሉሙ እሊ ያፈቅሩ ስመከ።

እስመ ኢተኅድጎሙ ለእሊ የኅሡከ እግዚአ።

ዘምሩ ለእግዚአብሔር ዘየኅድር ውስተ ጽዮን።

ወንግርዎሙ ለአሕዛብ ምግባር።

እስመ ተዘከረ ዘይትኅሠሥ ደሞሙ።

ወኢረሰዐ ዐውያቶሙ ለነዳያን።

ተሣህለኒ እግዚአ ወርኢ ዘከመ የሐሙኒ ጸላእትየ።

ዘያሌዕለኒ እምአናቅጸ ሞት።

ከመ እንግር ከሎ ስብሐቲሁ።

በአናቅጺሃ ለወለተ ጽዮን።

ወንትፌሃሕ በአድኅኖትከ።

ጠግዑ አሕዛብ በጌጋዮሙ ዘገብሩ።

ወበይእቲ መሥገርት እንተ ኅብኡ ተሠግረ እግሮሙ።

የአምር እግዚአብሔር ገቢረ ፍትሕ።

ወበግብረ እደዊሁ ተሠግረ ኃጥእ።

ይግብኡ ኃጥአን ውስተ ሲአል።

ወከሎሙ አሕዛብ እለ ይረስዕዎ **ለእግዚአብሔር።**

እስመ አኮ ለዝሉፉ ዘይትረሳዕ ነዳይ።

ወኢየሀጉሉ ትዕግሥቶሙ ነዳያን ለዓለም።

ተንሥእ እግዚአ ወኢይጽናዕ ዕጓለ እመሕያው።

ወይትኩኒኑ አሕዛብ በቅድሜከ።

ሢም እግዚአ መምህረ ሕግ ላዕሌሆሙ።

ወያእምሩ አሕዛብ ከመ ዕጓለ እመሕያው እመንቱ።

ለምንት እግዚአ ቆምከ እምርሑቅ።

ወትትዔወር በጊዜ ምንዳቤየ።

በትዕቢቱ ለኃጥእ ይውዲ ነዳይ።

ወይሠገሩ በውዴቶሙ እንተ ኀለዩ።

እስመ ይትዌደስ ኃጥእ በፍትወተ ነፍሱ።

ወዐማሂኒ ይትባረክ።

ወሐኮ ኃጥእ **ለእግዚአብሔር።**

ወኢይትኀሠሦ በከመ ብዝኀ መዓቱ።

ወአልቦ **እግዚአብሔር** በቅድሜሁ።

ወርኩስ ኩሉ ፍናዊሁ።

ወንሡት ኩነኔከ በቅድሜሁ።

ወይቀንዮሙ ለኩሎሙ ጸላእቱ።

ወይብል በልቡ ኢይትሀወከ ለትውልደ

ትውልድ ወኢይረከበኒ እኩይ።
 ምሉእ አፋሁ መርገመ ወጽልሁተ።
 ታሕተ ልሳኑ ጸማ ወሕማም።
 ይጸንሕ ወይንዑ ምስለ ብዑላን።
 ከመ ይቅትሎ ለንጹሕ በጽሟት።
 ወአዕይንቲሁኒ ኀበ ነዳይ ያስተሐይጸ።
 ይጸንሕ ወይትኀባእ ከመ አንበሳ ውስተ ግብ።
 ይጸንሕ ከመ ይምሥጦ ለነዳይ።
 ይመሥጦ ለነዳይ ወይስሕቦ።
 ወያኀሥሮ በመሥገርቱ።
 ይትቀጸዕ ወይወድቅ ሶበ ቀነዮ ለነዳይ።
 ወይብል በልቡ ይረስዐኒ **እግዚአብሔር።**
 ወሚጠ ገጸ ከመ ኢይርአይ ለግሙራ።

ተንሥእ እግዚአአምላኪየ ወትትለዐል እዴከ።

ወኢትርስዎሙ ለነዳያን።

በእንተ ምንት አምዕዖ ኃጥእ **ለእግዚአብሔር።**

እስመ ይብል በልቡ ኢይትኅሠሠኒ።

ትሬኢኑ ከመ ለሊከ ትኔጽር ጸማ ወመዓተ።

ወከመ ትማጥዎ ውስተ እዴከ።

ለዕሌከኑ እንከ ተገድፈ ነዳይ።

ወአንተኑ ረዳኢሁ ለዕጓለ ማውታ።

ቀጥቅጥ መዝራዕቶ ለኃጥእ ወለእኩይ።

ወትትኅሠሥ ኅጢአቱ በእንቲአሁ ወኢትትረከብ።

ይነግሥ **እግዚአብሔር** ለዓለመ ዓለም።

ወይትሀጌሉ አሕዛብ እምድር።

ፍትወቶሙ ለነዳያን ሰምዐ **እግዚአብሔር።**

ወኅሊና ልቦሙኒ አጽምዐት እዝኑ።

ፍትሐ ለነዳይ ወለዕጓለ ማውታ።

ከመ ኢይድግሙ እንከ ዕጓለ እመሕያው

አዕብዮ አፋሆሙ በዲበ ምድር።